

嶺南大學庶務處通告

爲通告事，現奉

校長內字第六三二號函開，本校爲教育機關，凡服務人員工役，一切不良嗜好，均在禁止之列。茲訪聞本校工人有等常往附近村鄉吸煙賭博，殊於職務有所影響，更屬違犯校規。爲此函達查照，務即督飭所屬查明，如果屬實，應分別先行予以警告，俾知係犯校規；若仍不改，立即開除，幸勿徇情爲荷。等因；奉此，自應遵照辦理。由通告日起，隨時飭知稽查前往附近鄉村嚴密查察，如有本校工人吸煙賭博情事，一經發覺，即予警告，倘仍不悛改，立即開除，決不徇情，其工金祇計至停工止。蓋違犯校規，不得享受工人待遇細則規定之一切權利。至於本校範圍內而非直接僱用之工人，有犯烟賭情事，本處自當通知其主僱機關，依照上述辦法辦理。爲此通告各工人一體遵照，務須刻日戒絕煙賭，勤慎工作，毋違校規，致被斥逐。是爲至盼。特此通告。

右通告本校工人

庶務處啓

中華民國廿一年五月七日

〔七〕節省用水佈告

私立嶺南大學佈告第一〇一號

爲佈告事，現據公用委員會主席李權亨報告：三月份用水八百一十九萬七千加倫，平均每人每日用水一百三十二・二一加倫；四月份用水八百一十八萬七千加倫，平均每人每日用水一百三十六・四五加倫。復據委員黃文煒函送水質報告表及說明前來：合將該表書佈告週知。查香港平均每人每日約用水二十加倫，九龍平均每人每日約用水二十五加倫，廣州平均每人每日用水約三十加倫，而本校每人每日用水竟達一百三十加倫以外，較諸香港幾達七倍，較廣州亦達四倍有奇，殊屬浪費，合行佈告校內人等嗣後用水務宜節省，是爲至要。此佈。

附三四月份水量表及水質說明書

中華民國二十一年五月十六日

校長鍾榮光

〔八〕公佈謝廳長今後教育實施的方針及青年學生的責任佈告

私立嶺南大學佈告第一零二號

爲佈告事，現准

教育廳秘書處函開：查

謝廳長前在紀念週報告，暨在省立第一中學訓話，有今後